

欽定剿平三省邪匪方略

欽定剿平三省邪匪方略正編卷二百九十七

壬戌年

正月二十三日乙未吳熊光全保長齡奏言查青

藍白各號餘匪只剩數百人東藏西躲總在房

竹邊界萬山之中惟恃老林爲逋逃之藪希圖

苟延殘喘臣全保長齡督率總兵德昌王懋賞

等分路向西南山內隨剿隨進適據探報生長

溝元嶺一帶均有賊匪零星散竄又報紅岩溝

有一股賊匪約二百餘人詢之逃出難民云係

青號餘匪有張允壽之子張得貴在內臣等當

令德昌帶領都司馬驥等由生長溝左抄上元

嶺王懋賞帶領都司熙達色等由溝口搶進賊

匪慌亂衝出經兩路兵勇截殺立斃三十餘人

滾崖跌死者二十餘人生擒十五名訊係積年

真賊隨將該犯等駢戮餘匪四散翻山逃逸

臣

全保長齡因紅岩溝一帶山路散漫且青號係
徐添德餘匪最爲狡猾若帶領大隊前往恐賊
匪聞知連夜遁逃當督飭侍衛塔津保呢瑪善
等抄至沂浴河截住賊匪去路隨派都司鄧洪
守備麻光裕向伯端把總張朝鳴等挑帶精銳
兵勇於十二日乘夜趕至紅岩溝往撲賊營見
該匪在民房屯紮當卽拋擲火彈一擁而進賊

匪猝不及備立斃五六十名餘衆鑽入亂草內
兵勇放火燒死者三十餘人一時火光燭照刀
砍矛戳又斃賊三四十人餘匪奪路衝出內有
一賊頭裹白布麻光裕自先搶進擒獲訊係首
逆張允壽之子張得貴並賊衆男婦三十四名
旗幟騾馬鎗矛無數天甫黎明臣全保長齡趕
至復分投剿獲四十三名將此股青號賊匪殲

擒淨盡並無一名漏網查該犯等與徐添德張
允壽同惡相濟狼狽爲奸寔已罪惡貫盈審明
後卽分別凌遲處死其兇悍矛手唐代幅等十
七名一併正法餘俱被擄未久概予寧釋至王
曾戴各逆經孫清元吉林泰帶兵跟追探聞已
入川省大寧境內該處亦與房竹接壤難保其
不繞道折回適准額勒登保知會德楞泰所剿

苟逆股匪向開縣大寧一帶東竄恐其闌入楚

境囑

臣

等督率將領探蹤攔截查孫清元吉林

泰係由大寧自東而西德楞泰係由開縣大寧

自西而東如該匪竄近正可乘機夾擊

臣

等飛

札孫清元等相機迎剿

臣

全保督同總兵德昌

在漳洛河官渡一帶緊顧西路

臣

長齡帶領侍

衛呢瑪善富翰等在灣腰樹等處東南迎截並

於二竹適中之地派令總兵王懋賞駐紮聯絡
聲勢一面督率兵勇分路入山搜拿餘匪仍四
路偵探設苟逆暨王會餘孽竄近二竹房縣邊

界

臣

全保長齡卽董率將備趕往截剿以期一

舉集事

臣

吳熊光在後路督催糧運以利軍行

並曉諭各寨落一體協拿餘匪以期淨盡奏入

上命軍機大臣傳諭吳熊光全保長齡曰此次青藍

白各號餘匪在房竹邊界萬山之中潛匿奔竄經
全保長齡督率將弁官兵奮力搜捕在紅岩溝地
方痛剿得勝並連夜往撲賊營適賊匪屯聚民房
官兵拋擲火彈一擁而進賊匪猝不及備無暇肆
竄前後殲斃賊匪一百八十餘人生擒九十餘名
搶獲旗幟馬鎗矛甚多將青號餘匪首逆張允
壽之子張得貴臨陣生擒此股賊匪剿洗淨盡所

辦甚好今保長齡著交部議敘守備麻光裕當首
逆張得貴奪路衝出之時首先搶進遂將該首逆
擒獲尤爲奮勇可嘉著加恩以都司陞用都司鄧
洪守備向伯端把總張朝鳴同時奮勉出力均著
交部議敘以示獎勵並著賞給吳熊光全保長齡
四喜玉搬指皮眼罩袋大小荷包並發去磁鼻烟
壺十件小刀搬指袋各五件又一兩重銀牌一百

面五錢重銀牌一百面分賞此次出力將弁兵丁
使各知感激倍加奮勉至此時功屆垂成尤應趕
緊剿捕廓清餘孽楚省邊界王曾戴各股餘逆前
據吳熊光等奏已竄往川省現在楚省本無大股
之賊此時青號零匪又已淨盡楚境早晚肅清而
苟逆一股現據額勒登保奏該逆已竄至川陝邊
界官兵分路兜剿不日可以辦竣是苟逆斷不至

竄入楚境設或王曾戴各股餘逆有折回楚境之事當奮力截剿若不致折回吳熊光等當督率兵勇將房竹山內零星竄匪一律搜捕淨盡再將川陝各邊卡嚴密堵禦不可稍有疎懈致賊匪一名闖入再現在大功將蒞兵盛賊衰川陝賊匪除殲斃擒獲外多有紛紛解散懇請投順之人自俱各歸本籍但此內籍隸襄陽一帶者尤多伊等回籍

後難保其不再有潛行勾結情事吳熊光等尤當
不動聲色密爲留心防範杜絕根株爲要

二十五日丁酉德楞泰奏言前因總兵薛大烈副

將李應貴等在青灣子痛剿苟逆賊股大獲勝

伏該匪走香蕰灣老山連夜向西南奔逃薛大

烈等緊躡賊蹤臣督兵由加崙灣緊竄東面前

進嗣於臘月二十九日起陰雲密雪連日未止

初六日

臣

趕抵湯家壩據哨探拿獲探事賊謝

萬金等二名訊據供稱苟文明連次被官兵剿
殺把元帥苟潮獻殺了戰手死得甚多祇剩一

千數百人見官兵追緊連夜由香曹灣老山繞
出雞鳴寺牽綴官兵前往西南便可由後坪高

觀寺黃墩一帶東走湖北等語

臣

查苟逆自甘

回川後屢據獲犯供稱急圖竄楚因被官兵分

投兇截始行折回西南茲又北竄黃墩希圖東
逃入楚查黃墩東通大寧之一碗泉並平利之
茅壩大小樹河北翻界嶺卽平利之八仙河散
子坪在在與楚毗連臣一面派幹弁兵勇赴黃
墩確探賊蹤一面卽派總兵豐紳副都統銜武
隆阿等帶領馬步兵勇連夜趕至茅壩臣卽取
道一碗泉扼住入楚之路旋據薛大烈等連次

稟報並差探黃墩弁兵回稟荷逆賊匪被薛大
烈達斯呼爾岱等連日跟追沿途頗有斬獲因
老山箐林雨雪積厚未能痛剿該匪被迫情急
又折向雞鳴寺轉到後坪高觀寺黃墩一帶希
圖東竄薛大烈趕至水寨子賊忽西折木瓜河
南溪等處訊據獲犯周士得等供稱荷文明原
思竄赴湖北因探得一碗泉茅壩都有官兵不

敢東走纔又折回總想到湖北去等語查南溪
北通兩扇門南天門可出平利之八仙河若南
走係修基壩高觀寺西走卽高頭壩羊耳壩而
兩扇門南天門又爲川陝界嶺均係老林冰雪
堅淤艱險萬狀斷難行走況有總兵穆克登布
喜明等帶兵在八仙河一帶堵截該逆由此過
陝與否臣已飛飭穆克登布隨時確探迎頭截

剿期與薛大烈等兩面夾擊該逆若西竄高頭
壩羊耳壩額勒登保現在太平西鄉界上搜捕
業已扼住西面設或仍由原路之高觀寺後坪
南折斷不敢深入川東必出開縣之馬家營查
薛大烈達斯呼爾岱等原帶兵勇四千餘名
臣
前又撥添副將李應貴等驍健鄉勇一千餘名
以之剿此敗殘餘賊可期得力惟緣連日接據

巫山營都司袁陞侯署知縣徐士林稟報十二
月十七日戌刻突有零匪在城外教場焚掠該
都司等督率兵勇鎗礮轟擊斃賊數名賊匪退
至距城十里之七星鋪屯住次早又帶兵勇追
剿拿獲賊匪賀三兒等一名訊係劉姓爲首帶
有三百餘人由湖北來到榮子壩探聽城中官
兵多少要會合八石坪一股人同來撲城當經

稟請夔州府文武酌撥官兵二百名派都司帶
領到縣防禦又據八石坪探差報稱十七日有
賊百餘人由湖北竄至後窖八石坪等處又據
大昌探差稟報二十日另有賊三四百人自通
城青龍嘴竄至大昌楊溪河一帶與前各逆合
夥現惟督率兵勇寔力嚴防堵禦又據稟楊溪
河之賊於初八日折回八石坪仍向湖北當陽

東竄孫清元吉林泰帶兵跟追回楚又據夔州
府副將富明阿知府方積知縣徐大椿稟報十
二月二十五日有賊匪探馬突至距奉節縣十
里之下關城地方正在調派兵勇前往卽有賊
三四百人焚掠經富明阿督率千把帶領兵勇
擊剿立斃賊十餘名卽時潰逃是夜賊匪竄至
乾溪溝又乘黑攻撲把總許耀陞等營卡經許

耀陞等用鎗石擊退斃賊數名乘勢追剿至下
坪高又殺賊數名向江邊之安坪至拖板屯紮
又稱正月初一日有自巫山之水口竄來賊匪
一股約四五百人由奉節之高家灣竄往鐵灰
寺而楠木溝黑馬石等處亦有零匪初五日該
匪過朱家壩被硃首冉啟俊等截殺賊匪四名
搶獲旗矛等件團勇亦有損傷又據署雲陽縣

梁敦懷稟報十二月十四日有白號餘匪約三百餘人由奉節大壩竄來經二獅碛等五碛領首唐應龍等督集團勇截殺追趕共殺賊十四名帶傷而逃者二十餘名搶獲旗三面邪書一本團勇張得仁陣亡餘匪向開縣邊界竄去又據大保太平兩寨武生杜林等稟報十八日有賊匪竄至香坪甲經兩寨團勇兜截殺斃偽總

兵李正德一名賊匪十四名追過奉節界上而
逃團勇內惟陳有瑄等四名被害

臣

查各股賊

匪均被各路官兵剿敗自知罪大惡極不敢投

出自首惟百計希圖延喘因思巫大雲奉各州

縣濱臨大江未獲各首逆及老教賊目賊匪見

勢已瓦解萬無生理難保其不改名換姓三五

散行假扮各色人民乘間渡過南岸兔脫逃生

關係甚重

臣

當卽飛飭沿江各州縣文武於渡

江要津商賈船隻往來嚴密稽查盤詰萬勿稍

生疎懈致令賊匪混過其奉節巫山大寧水陸

運道及摺報文移因賊匪狡詐莫測晝則不持

長矛身藏短刀假扮客民或充探信兵勇往來

負販人等並峒寨居民猝難分別每被擄掠夜

則四出模樁遂致道路不通閭閻亦受其累若

不設法剿除淨盡勢恐日久人數日增如各著名首逆久無下落者或在其內又復糾合成股則剿辦費手而於大局更有關礙此時賊勢情形實與從前迥異川東空虛無兵賊匪零星滋蔓運道梗阻且苟逆輾轉奔逃總欲牽掣官兵乘間入楚臣一面另爲設法剿除零匪又可兼顧東面與額勒登保遙爲聲勢況苟逆現已狼

猥薛大烈達斯呼爾岱等帶領兵勇五千餘名

跟追入山已獲大勝兵威又壯若臣大隊相機

而進亦斷無以一萬數千兵勇前後追剿此于

餘殘孽而置楚省邊界各匪不顧之理且有經

畧督兵正在西北該逆斷不致有蔓延臣現又

嚴飭薛大烈等務將此股賊匪趕緊掃除不可

稍涉觀望如將苟逆殲擒就近卽解送經畧大

營查辦奏報又查近來賊勢衰殘皆不成股數
故總向無兵處所遁逃川東川北各碉寨雖有
團勇時能截殺究不能賴以集事而各逆每聞
大兵將到又皆瓦解四散無影無蹤臣現擬由
楚境交界之八石坪自東而西分派將佐視賊
之多寡酌帶兵勇分爲多路每路中以數十人
在前引誘或扮團勇或扮行旅或爲難民或充

零匪或附於碉寨或藏於林壑改裝易服使賊
匪驟見莫辨庶能到處殲除設遇湖北賊衆或
苟逆竟又東來

臣

均可併集兵力隨時剿辦如

此變通籌酌於剿捕可期迅速若仍以大隊兵
馬搜捕我兵未到之先賊匪聞風遠颺晝夜趕
追兵疲馬乏受其牽掣更爲遲滯現在巫大奉
雲零匪實多而又無兵剿辦

臣

權其輕重實有

不得不爲之顧及者因卽於初十日由一碗泉
取道徐家壩前進至總兵田朝貴并候補道劉
清剿辦張添倫等股匪疊獲勝仗諒已就近稟
報經畧現聞該總兵已由吳姚二壩有向南江
之勢臣亦卽札飭田朝貴務宜趕緊剿除再近
據川東川北各州縣稟報洞寨團勇於零匪竄
過時有殺賊三五名至二十餘名不等團勇中

亦有陣亡傷亡者是辦理團寨事宜已有成效

臣均已隨時飭遵前定賞格令各州縣逐一賞

勵撫卹造冊彙報又接到賽冲阿溫春等來信

已帶兵至開縣馬家營一帶搜剿其時該處業

已無賊嗣據雲陽奉節稟報均有賊匪竄擾當

卽就近帶兵前進途次探報勒保督同總兵張

志林追剿一股賊匪六七百名由萬縣竄來恐

其東逃卽前在協剿現在賊已西竄仍卽緊蹙
前進如苟逆南來自當先行迎截頃又接額勒
登保來信在西鄉一帶剿辦李彬賊匪業將西
北扼住查苟逆業已殘敗又有大兵跟追斷不
敢竄陝臣現將川東零匪趕緊剿盡不但糧運
無阻江岸無虞而楚界亦可肅清仍隨時確探
苟逆賊蹤以冀速行殄滅奏入

上命軍機大臣傳諭額勒登保德楞泰曰此次德楞泰將苟逆截回西南所剩不過千餘人勢已窮蹙現飭薛大烈等帶兵跟追德楞泰因川東巫大奉雲等處零星匪滋事酌量緩急親帶兵勇由一碗泉前赴大寧之通城一帶督飭將弁分投搜捕又可緊顧東面與額勒登保遙爲聲勢防苟逆東竄之路自應如此辦理此等零星竄匪雖訊據獲賊供

稱有由湖北竄來之賊但每年至春融時賊匪在
山內潛匿者常出山搶掠此時巫大奉雲零匪必
多係上年各處剿剩之賊冬間藏伏深山現屆春
和又思四出掠食今賊匪旣已散竄自當分派將
領隨時隨地遇賊卽剿通計各處零匪數目不下
千餘人敢於在城外教場焚掠會合夥匪思欲撲
滅又乘夜偷撲官兵營卡看來屢次所稱賊勢窮

璧俱係空言竟不可信德楞泰現因賊匪假扮各色人民乘間偷竊另爲設法視賊多寡酌帶兵勇分路引誘并使賊匪驟見莫辨冀得到處殲除此等機宜祇期於剿捕有益德楞泰可隨時設法酌辦朕亦不爲遙制總之川東零匪專交德楞泰就近剿辦斷不可任其竄入楚境務於春月內一律肅除不拘何股辦竣卽速馳奏不必俟川東賊股

全數肅清始行奏報也至苟逆一股雖有薛大烈等分路追擊但德楞泰既往川東不克兼顧著額勒登保督同薛大烈等奮力殲洗勿少鬆勁俟辦竣苟逆後騰出兵力幫同搜捕川東餘匪以期及早廓除歲功奏凱所有各股首逆如李彬湯思蛟劉潮選等犯現俱亡命奔逃額勒登保等固不可專注爲首之賊置餘黨於不辦然亦勿令該逆等

潛竄漏網一有擒獲之信卽行馳奏再陝省竄匪
宋應伏李貴成劉永受等爲數不過四五百人額
勒登保務須上緊轉催楊遇春慶溥等將各股賊
匪尅日剿淨額勒登保德楞泰俱經節次加恩而
賊匪尙不能辦竣寧不自知愧奮耶

二十七日已額勒登保奏言臣帶兵入陝截剿

苟逆該逆竄向小界嶺龍柏河一帶逼近紫陽

地界

臣

一面飭令薛大烈等帶兵跟蹤追剿一

面親率扎克塔爾格布舍等由漁渡壩茅垵塘

進發緊顧西面該匪聞大兵分路追截於深山

老林中輾轉奔走薛大烈張續李應貴等於十

五日帶兵抵麻柳壩賊匪由大塘堤竄至木竹

坪一帶相距不遠薛大烈等帶兵趕抵木竹坪

該匪前隊已經他竄有後隊數百人遙見官兵

卽佔據險山抵拒兵勇奮力上攻殺賊三十餘
名該匪零星逃匿官兵趕過數重大山又殺賊
二十餘名因雪霧瀰漫山坡陡滑未得痛剿該
匪向觀音堂折竄經已革總兵胡定泰帶兵截
擊由八廟河入星子山老林乘夜竄向五塊石
楮河一帶又經副將劉管城帶兵迎擊殺斃十
數名該匪不能北走由混人坪節草壩直向西

奔臣於十七日由高橋趕抵沙坡子探知賊匪

竄至楊家河相隔七十餘里卽連夜發兵由拴

馬嶺前進以期痛剿天明時兵抵楊家河賊匪

已於二更時由西鄉大路向西北奔逃恐其竄

出西鄉平原擾及漢中遂向司上一帶兼程抄

截官兵奔走二百餘里於二更時趕抵壩口顧

住西面賊匪不能西趨又竄向梵荳坡十二嶺

一帶查該處路通白沔峽逼近茶鎮及七星壩
江岸亦關緊要是日薛大烈等帶兵由節草壩
跟蹤前來卽飭令由堯荳坡緊躡追剿

臣

於三

更時率同扎克塔爾格布舍等帶兵由西向北
取道白沔峽抄截詎我兵於黎明時行抵該處
該匪已於四更時竄過白沔峽向七星壩江岸

奔逃

臣

率兵趕抵江岸賊匪有涉水而過者有

撐船而渡者大半已過北岸兵勇等鎗箭並發
將船打翻賊匪受傷溺入水中淹斃數十人餘
衆盡奔赴北岸逃遁臣亦卽督催馬步兵勇躡
渡過江併力追剿賊匪向秋木梁華家溝四散
飛奔我兵分投追逐翻越十數重大山殺賊一
百餘人生擒一百七名又有乘間逃散被寨民
解送者四十餘人時已昏暮風雪交加計程亦

有二百數十里卽於子午鎮暫扎鍋帳稍加食
息訊據獲犯李正等供稱現寔有一千三百餘
人苟文明係老掌櫃又有張溫二姓充當元帥
日夜奔走由白沔峽到七星壩見漢江水淺可
以晒過又搶得小船二隻大衆一齊過江寔無
一定去向等語當將該犯李正及積年矛手一
百二十三名正法訖其餘二十五名係隨近被

脅民人給票釋放次日由遙峯一帶至菩提河
探知賊匪已向迎風壩分路疾遁或北竄寧陝
地界或東竄漢陰鎮安地界尙無定向

臣

現已

飭知薛大烈張績等由井泉子兩河五郎關一

帶偵探截剿

臣

卽由石泉漢陰顧住東南而進

務乘該匪窮蹙亂竄之際尅期殄滅並知會楊
遇春隨時探聽苟逆確蹤如果竄近迎剿則更

易於集事至德楞泰一路官兵聞由城口進發

臣現到漢北有此二路兵力已敷剿辦其川東

一帶尚有各股殘匪未經掃除現已知會德楞

泰無須帶兵入陝卽於川東太平一帶協同勒

保並督率賽沖阿豐紳溫春等趕緊剿辦及早

肅清至張魏賊匪於上月二十五日竄至南江

一帶又與另股餘匪二百餘人合夥二十八日

竄至蒼溪之地捲寺田朝貴由得勝坪一帶追
剿叅將李芝榮帶前隊兵勇先行掩擊該匪竄
上山梁兵勇等乘勢搶攻賊匪猛力下壓李芝
榮受傷陣亡兵勇亦傷亡數十名田朝貴卽督
催後隊官兵奮力衝上山梁追趕二十餘里殺
賊三十餘名生擒十七名該匪向廣元山林奔
逸

臣

恐田朝貴兵力稍單業經派定蕭福祿侍

衛彥丕勒等帶領馬步兵勇前往協剿昨叅將
朱槐等將辛聰生擒據報已解至巴州

臣

飭令

朱槐等亦卽帶兵前往蕭福祿一路協同田朝

貴將張魏賊匪趕緊剿辦現據慶成呈報有賊

匪約千數人向廣元會家河奔竄此股自卽係

張魏賊匪

臣

復經知會慶成緊顧西面嚴密截

剿並與田朝貴蕭福祿等協力兜擊以期速行

辦竣再七星壩一帶江岸向本設有防兵去秋
因賊氛已遠該一帶及石泉以上江岸無須備

禦是以將官兵撤赴川陝邊界安設堵剿此次

苟逆竄近陝界

臣

率同薛大烈等分路追截該

匪無分晝夜向深山密箐亡命狂奔以致乘夜

竄過江岸雖該匪勢已敗殘不能稍有滋蔓但

臣

督率官兵分路趕辦既未痛剿又未截住咎

無可辭應恭懇

聖恩將臣重加治罪去入

上命軍機大臣傳諭額勒登保曰額勒登保奏報苟逆由西鄉向七星壩搶船偷渡殊出意料之外苟逆前旣自投絕地何至此又復竄過漢江北岸且前據奏稱該逆已不遑掠食宰割騾馬何以猶能晝夜狂奔分路疾遁兼以馬隊官兵追剿步竄

之賊日行二百餘里何以竟未能緊躡截回是前
奏係謊言搪塞耳此次苟文明由川越過陝境漢
江自必係軍營官兵因過年節予賊以暇任賊勢
蔓延一至於此至賊匪向江岸奔竄時乘船搶渡
該處有一二船隻地方官未能預爲提禁朕亦不
加深究但七星壩一帶本設有防兵額勒登保前
因賊氛已遠遠行撤去是以苟逆股匪探知無兵

備禦遂肆無顧忌搶船偷渡若該處防兵未撤致有疎虞不特將防江官員查明懲辦卽額勒登保係經畧大臣統轄各路已有疎忽之咎況江岸官兵是伊裁撤不能先事豫防其自請重加治罪之處寔所應得若竟從寬免何以整飭戎行但念其從前帶兵打仗屢著勞績姑從寬革去伯爵降爲一等男並拔去雙眼花翎著換戴單眼花翎以示

薄懲現在賊匪由七星關竄淺過江分投逃竄必致與陝省之宋應伏李貴成劉永受等合夥益肆鳴張苟逆本有千數百人若復與各股零星湊合爲數更多愈難剿辦寔深焦急所有此股過江之賊卽責成額勒登保專剿務於石泉等處就地殲除萬勿令其竄近甘省或遁入南山老林逼近鎮安商雒一帶萬一賊匪潛入南山額勒登保必當

飭催鎮將入山搜捕斷不可僅在山外株守使賊
在內輾轉裹脅稽延時日前據額勒登保奏陝省
兵力十倍於賊今伊又親帶大兵赴陝卽云連日
追馳稍覺疲勞而陝省各路官兵皆在本境堵剿
以逸待勞豈能以此藉口額勒登保務須督率各
路官兵將苟逆及宋應伏等羣匪迅速殄平肅清
陝境此時巫大奉雲各處零星竄匪合計不下千

餘人亦屬急須剿辦已惠父德榜泰就近設法辦
竣自不能分身兼顧川北而額勒登保已移師石
泉地方川北一帶兵力稍單倘李彬湯劉等逆聞
大兵齊赴陝境又復乘間折回辦理更爲棘手著
額勒登保迅飭田朝貴卞福祿朱槐等嚴密堵剿
卽將川北一帶零匪迅速分路兜擊以期及早肅
事其張魏賊匪約有千數百人向廣元曾家河奔

竄額勒登保亦當飭令成緊顧西面截剿勿任
該匪竄出並與田朝貴蕭福祿等協力殲擒如額
勒登保能卽將苟逆等匪辦竣仍當移兵川北督
同田朝貴等將張魏各匪上緊殲除毋令稽延爲
要所有此次打仗陣亡之叅將李芝榮著咨部賜
卹

同日惠齡長麟奏言據探報辛曉後股賊匪百

餘人從留壩竄入黑河老林劉永受股匪分爲
兩股竄至秦嶺以北之板房子厚畛子一帶宋
應伏李貴成賊匪亦分兩股一股由四畝地金
雞河竄入秦嶺以北之黑山岔西流水一帶一
股竄入孝義廳屬之沙羅帳韭菜灘一帶查該
處俱係深山老林山徑險仄爲節年來辦賊費
手之區兼自正月初旬陰雪連綿兵勇穿林搜

捕將備亦棄馬步行備涉艱險而各該匪等依恃路險林深晝則藏匿老林夜則掠食奔竄時

出時沒

臣

等焦急萬狀節次嚴催各路兵勇分

布四面設法進攻提督楊遇春副將韓自昌叅

將吳亨衍在四畝地兩河口一帶由南向北進

剿副都統慶溥通判雒昂在高關洵陽壩一帶

出東向西進剿適本任寧陝鎮總兵楊芳帶領

官兵由五郎江口一帶自東向西進剿

臣等帶

兵緊顧北面各峪口探有賊匪卽迎頭截擊不敢稍留餘力又據報副都統慶溥率同通判維昂帶領兵勇於正月初一日在盤屋景峪內之偏巖子追及劉永受賊蹤該匪搶佔山梁擲石抵擋兵勇石仰攻斃賊數十人鎗斃大旗手二人十二日維昂鄉勇於寡婦橋趕上劉永受

賊蹤賊匪從陰陽坡下山分三股迎敵軍功鄉
勇等鎗礮齊發立斃賊匪十數人生擒三名又
竄至孝義沙羅帳等處經護鎮安營遊擊馬世
勲在小庵溝殲斃六名拿獲四名又宋應伏等
賊匪經臣等沿山堵截於十七日竄至西流水
相距澇峪口七十餘里臣等卽督率軍標遊擊
馬得帶領兵勇於二鼓拔營十八日黎明趕抵

西流水宋應伏等一見兵至卽搶佔沙窩子山
梁官兵鎗礮齊施擊斃賊匪三十餘人救出難
民十三名該匪四散狂奔臣等現在分催各路
合力兜截務期殲滅淨盡仰慰

聖慈至辛聰後股賊匪竄入黑河後臣等飛飭道員

朱爾漢遊擊七十九於甘省邊界嚴密防堵一
面飭催防守畧陽留壩之將備等跟蹤截剿據

報防守廟臺子守備史克忠在妖洞溝截殺賊
匪十餘人生擒五名又道員朱爾漢率同兩當
縣知縣誠忠帶領寨勇在兩當屬之西河寨追
殺賊匪十八名該匪由黑河逃往沔縣境內又
據沔縣知縣馬允剛稟稱督飭署該縣典史謝
大名並該令之子馬樹坊率領寨勇搜殺十餘
人擒獲活賊三名內有一賊羅姓是否係屬頭

目現在解赴漢中聽候撫臣陸有仁委員審訊
現在餘匪又由沔縣竄赴畧陽老龍溝遇慶成
派委之守備李如緒打敗僅剩賊匪數人四散
逃竄奏入

上命軍機大臣傳諭惠齡長麟曰前據額勒登保奏
陝省官兵十倍於賊當此賊少兵多之際該督等
正應督催將領上緊搜捕乃摺內動以陰雪連綿

備涉艱險爲詞又落從前軍營奏報故套似此怠
玩因循轉瞬氣候融和賊匪藏匿深山者俱各四
出滋擾且青苗在地并得到處掠食輾轉蔓延裹
脅奏聚伊等又將藉口於賊多兵少何時始能蕨
事惠齡長麟俱著傳旨申飭提督慶成楊遇春向
來打仗尙屬奮勇近來未見與賊接仗著惠齡等
傳旨將慶成等嚴行申飭楊芳現已到任正可令

其帶兵剿賊并著該督飭催慶成楊遇春慶溥楊
乃及道員朱爾漢分投搜捕務將宋應伏李貴成
劉永受及辛聰後股殘敗餘匪趕緊殲滅肅清陝
境倘遲至二月後賊匪尚未辦竣不但慶成楊遇
春等當嚴行治罪并將該督等一併懲辦决不寬
貸

同日陸有仁奏言連日據探報南山賊匪分出

零股數十人由海青溝老林竄至棧西之黑河

一帶臣隨飛飭沔縣寧羌畧陽各地方官嚴密

堵剿並飛咨慶成分派官兵到處搜捕旋據沔

縣知縣馬允剛稟稱該匪等由畧陽之棧壩林

竄入沔境當卽督飭典史謝大名並該令之子

馬樹坊率領健勇奮力截擊殲斃賊目關掌櫃

及餘匪三十餘人又生擒賊目羅姓並劉順國

曾有娃三人餘匪無多竄至老龍溝復經慶成
派出兵勇搜拿淨盡隨訊據曾有娃等俱供稱
羅娃卽係賊首羅半年臣一併提至漢中親加
研鞫如是係首逆羅半年另當恭摺具

奏至漢陰過江之宋李二逆股匪竄至藍屋景峪
一帶經惠齡長麟派撥兵勇截剿殺斃賊匪數
十名餘匪折向東趨現在總兵楊芳督同副將

韓白昌叅將吳亨衍等合力兜截斷不致任其
東竄並過江城內另有分出賊匪數十人潛匿
寧陝河口已派遊擊林向榮帶兵搜剿又賊匪
劉永受一股由盤屋柳葉河一帶竄入老林楊
遇春慶溥並通判雒昂三路兵勇分投剿捕

臣

查山內餘匪兩股人本無多兵勇十倍於賊祇
以霧雪甚大賊匪到處狂奔尙未能一鼓掃蕩

現復添有楊芳一路官兵分投剿辦更不難尅
日殲除洵可仰紓

聖厯經畧額勒登保在川陝邊界搜捕李彬殘匪適
派出兵勇在於南江之五寶山遇見辛逆股匪
當卽痛加剿殺生擒首逆辛聰餘匪殲洗殆盡
查辛聰係著名首逆積惡已久今得臨陣生擒
寔足以大快人心洵爲卽日歲功佳兆其苟逆

股匪經總兵薛大烈連次接仗擒斬甚多餘匪
盡棄騾馬竄入老林薛大烈緊躡追剿額勒登
保恐該匪折回陝境並因星子山一帶另有賊
匪闖入現卽統領大兵由西鄉漁渡壩一路探
蹤截擊所有各路軍糧臣隨時督飭源源運供
不敢稍有缺誤奏入

上命軍機大臣傳諭陸有仁曰陝境零匪爲數無幾

而各處兵勇不啻十倍於賊帶兵各員總未能奮
力殲沈一律肅清或係坐擁重兵有畏葸觀望情
弊前曾降旨令陸有仁於該省帶兵大員及將弁
等何人奮勉立功何人心存怠緩就近詳細查訪
卽行密奏現據經畧奏報帶兵過江剿辦苟逆大
股賊匪該撫仍當遵照前旨據寔查奏毋得稍有
瞻徇至軍火餉項賊匪一日不完糧儲一日不得

不備該處官兵卽不打仗時在彼坐耗軍糧每月需用亦不下數十萬兩現在各省撥項諒已陸續解到得此接濟軍需益屬寬裕陸有仁惟當督飭局員撙節支放源源運供勿令從中侵冒爲要

欽定剿平三省邪匪方略正編卷二百九十八

壬戌年

二月初一日

壬寅

德楞泰奏言

臣

前抵大寧屬之

通城擬卽帶兵自東而西旋據各路稟報自湖

北長峯竄來王會等賊股二千餘人於十二

月二十九日由火峯界嶺回楚又有一股賊匪

千餘人係白號張姓爲首於正月初九日由火

峯界嶺折回巴東又黃白藍三號餘匪七八百

人不知賊目姓名十二日由巫山之龍泉寺一帶亦竄火峯界嶺吉林泰孫清元帶兵跟追已過湖北尙有一二百及二三百者兩小股在巫山之三溪河龍村一帶遊奕又有一股賊匪約千餘人在巫山三匯舖王家溝一帶屯紮屢窺縣城臣卽取道觀音崖木瓜溪十八日趕抵西風垭賊知官兵到來先已東竄三溪河我兵又

卽抄出高家營值賊匪正自西來兜頭迎截當
殺賊四十餘名生擒彭世祥等三十七名口趕
至巴東之兩河口突見一股賊匪千餘人在兩
河口左面山坳圍攻硃寨我兵趕至山下見硃
門^壁立賊旗二桿該硃民一見官兵齊喊救命
臣恐係賊計詭譎卽將兵勇暫紮細看情形實
係百姓被困正當危急之際我兵自應先行解

救免其荼毒

臣

卽令豐紳帶同總管富登阿副

將張良槐等爲一路副都統達勒精阿總兵馬

瑜等爲一路副都統銜色爾滾武隆阿等爲一

路

臣

帶領侍衛克什布巴哈布副將達自祥等

正在分佈督飭間賊衆竟敢恃險下壓三路將

弁兵勇競進仰攻鎗箭齊發復用大礮指定轟

擊立斃賊匪三十餘名生擒項朝富等十七名

賊卽搶上山頂叅將馬濟帶領弁兵首先搶上
賊倚恃陡險推滾亂石搏擊如雨馬濟並千總
萬士發把總石華貴戴應敖均被石傷陣亡副
將鄭啟貴奮不顧身率領貴州官兵冒石競進
搶上山頂衝入賊隊連射二賊該匪愈聚愈衆
鏖戰一處鄭啟貴挽弓不及卽奪獲賊矛力敵
身受石傷二處矛傷一處幸不甚重富登阿帶

領索倫官兵步行繼上亂箭齊發連射賊匪十
餘名應弦而倒將鄭啟貴救出惟把總王占鰲
朱之必外委楊正坤桂天元同時陣亡豐紳達
勒精阿等箭枝射已殆盡又殺賊匪一百四五
十名生擒王士貴等三十四名帶傷賊匪甚多
賊衆始敗向北逃臣復督率兵勇趕追二十餘
里翻過石堙子大山沿途又殺賊十餘名生擒

陳益德等二十三名天氣已黑卽行紮營旋探
該逆已向興山之毛龍寨奔逃查毛龍寨一帶
係從前徐添德等所屯之地四面俱係箐林直
通豐玉坪非走九道梁卽奔房縣當訊獲犯項
朝富等供稱此股賊匪是陳湖觀二子爲首不
知名字去年陳湖觀在陝西被官兵殺散逃走
不知生死只剩二百餘人與曾芝秀合夥後復

因口角分開躲到興山巴東巫山山內摸樁破
過幾處碉寨今湊有一千餘人將張家祠圍住
三日不想官兵殺來等語復令於獲犯內指出
僞先鋒徐得茂旗手李發並戰手陳益德等四
十三名概行鸞割梟示其餘被裹未久難民王
士貴楊王氏等就近送交巫山縣省釋安插其
彭士祥等三十七名口亦卽訊明分別辦理是

夜據哨探回稟三溪河之賊由巴東兩河口折回巫山之龍村一帶距巫山縣城八九十里又據逃出難民吳貴供稱此股賊匪係老黃號並黃白藍青等號都是官兵打散零賊合夥並無元帥內有陳朱沈三人爲首每起不過三五十人或百餘人總在興山巴東巫山山內擄掠今聚有一千餘人探得巫山縣城兵少想要破城

聞官兵來乘夜往湖北逃走不料官兵迎面殺
來纔又轉到龍村等語查臣去冬督兵遠在川
北楚境賊情毫無見聞昨抵大寧時臣卽移咨
吳熊光全保長齡等將楚省近來剿辦賊股及
賊匪現在何處賊數多寡情形詳細移知至今
尙未見覆現在查核興巴巫山界上賊匪數股
約計共有四五千入其二竹房縣等處有無賊

匪刻下未能周知臣應卽帶兵過楚剿辦第巫
山濱臨大江城內兵備空虛勒保現督同賽冲
阿溫春張志林等在梁萬一帶剿賊達州東鄉
又有零匪肆竄勢難兼顧此時雲陽奉節大寧
巫山水陸運道難通若不就近將此股賊匪掃
除徑行督兵入楚不免有顧此失彼之虞若分
兵剿辦臣除撥賽冲阿及薛大烈兩路兵勇外

存營之兵並豐紳帶來兵勇共計不過五千餘
員名其勢再難分撥至監號陳朝觀餘匪非北
竄九道梁上龕則走房縣探聞全保長齡現督
兵在房縣之獅子崖堵剿臣已飛咨全保長齡

探明截擊並飛札飭查孫清元吉林泰等所追
係何股賊匪現向何處逃竄將一切剿辦情形

詳晰具報以便酌辦臣

卽於十九日移師西來

二十二日起竄巫山之琴樂坪探報折竄各號
餘匪仍回龍村三匯舖王家槽一帶相距巫山
縣城六七十里及八九十里不等

臣

擬卽分路

進剿務期卽行肅清再行督兵過楚其田朝貴
所追張魏賊股近據川北道李鉉稟報該總兵
於十二月二十九日在蒼溪白鶴觀等處剿賊
小有失利恐賊勢又復鴟張江岸緊要懇請撥

兵協剿查田朝貴所帶貴州山西官兵及鄉勇等不足二千未能痛加剿殺該匪總在蒼溪一帶遊奕而江岸實關緊要臣查額勒登保一路兵勇除派撥楊遇春帶赴江北外所剩兵勇恐難抽撥當卽札商勒保如梁萬之賊無幾張志林一人足資辦理卽令賽冲阿等帶領原兵馳赴蒼溪廣元一帶督同田朝貴併力剿辦張魏

賊匪則江岸亦可無虞

同日勒保賽冲阿奏言

臣

賽冲阿將韓朋壩

溪溝等處賊匪剿洗後適接德楞額奏來札以解

縣雲陽大寧沿山一帶時有零星匪出沒晝藏夜

見四散摸樁囑令由謝家壩扎金壩一帶沿途

探蹤搜捕

臣

賽冲阿隨帶兵從開縣夔府一路

進發行至桂壩地方探報有賊一股約四百餘

人自雲萬竄來

臣

賽沖阿卽由桂壩移兵迎擊

該匪聞信卽折回西竄開縣之高陽地方時

臣

勒保兵抵開縣聞信後卽一面知會

臣

賽沖阿

跟蹤緊躡一面飛飭張志林帶兵向臨江市鐵

索橋等處兜截

臣

勒保仍帶兵勇趕往策應十

五日

臣

賽沖阿一路官兵緊躡賊蹤馳抵南門

場探聞賊匪竄走跳墩場沙壩一帶

臣

賽沖阿

甯興副都統溫春總兵蒲尚佐等商定於二更
發兵兼程追趕從琵琶場至跳墩場賊匪先已
遁走官兵復由黃家壩陳家壩直追至萬縣所
屬之彈子壩天尙未明探知賊衆在彈子壩半
山高險之處屯紮尙未起竄當將馬步官兵分
爲左右兩路臣賽冲阿帶同協領穆騰額等由
左嶺進攻溫春帶同侍衛富森德等由右手進

攻蒲尙佐帶同叅將馬元等率領馬隊官兵由山下向上仰攻賊匪恃險抗拒步隊官兵奮力攻撲鎗箭齊發斃賊十數名適左右兩路馬隊官兵已繞上山梁兩面夾擊賊始驚惶四散官兵乘勢分投剿殺斃賊七十餘名生擒男婦五十一名口奪獲賊旗刀矛等件又滾崖跌斃賊四十餘名該匪被剿情急翻山越箐捨命奔逃

我兵緊躡追捕復由馬鞍寨白沙壩直上龔家
山大梁沿途追殺復斃賊四十餘名生擒三十
名是日酉刻臣勒保帶兵趕至會合當卽一面
派兵搜山一面親提活賊審訊均係零星匪夥
並無要犯在內隨即分別辦理其張志林一路
官兵由臨江市鐵索橋取道向新寧前進途次
探得柏林槽地方有不知姓名賊匪一股約二

百餘人在彼竄擾張志林卽連夜進發賊匪聞信先已起竄官兵跟蹤緊躡計程一百五六十里於十六日申刻追至莫家溝地方探得賊匪在前面山坳屯紮張志林隨派遊擊唐際盛夏雲龍分帶兵勇從左右山溝抄出掩襲張志林親帶都司畢萬年等督率兵勇翻山下壓賊匪見官兵從上而下卽分路向左右山溝奔逸適

遇唐際盛夏雲龍兩路兵勇迎頭截剿該匪紛
紛亂竄我兵爭先擒捕立斃賊六十餘名生擒
五十名滾崖跌斃者復有二十餘名奪獲賊旗
刀矛甚多尙有逃散賊匪數十名俱鑽入林箐
窮竄張志林當卽派兵搜山一面將活賊解赴

臣勒保軍營聽候查訊辦理
臣勒保提犯嚴訊

內有賊首王得一名據供係首逆王登廷之堂

兄王學禮之姪嘉慶元年九月與王登廷等一同起事王登廷被擄後卽在營接手管事眾人
都稱爲大掌櫃與同號各股時分時合近來屢
被官兵打敗只剩二百餘人昨從八台山竄出
繞到新寧地方卽遇官兵拏住等語復於活賊
內訊出僞總兵王梁松旗手王萬德探馬頭陳
正茂及戰手張成鳳等二十八名均係同謀起

事及從賊日久之犯當卽分別凌遲正法其餘

訊係被脅難民遞籍安插

臣

勒保查此股賊匪

既經官兵擒斬多名並將賊首擒獲所剩餘匪

數十人無難一併殲除現已飛飭張志林趕緊

搜捕務期淨盡再

臣

前在南埡場途次聞東鄉

中河一帶零賊一股有竄向達州新寧之勢當

卽分派遊擊羅思舉守備桂朝陽等酌帶鄉勇

前往探剿十四日行抵麻柳場探得該匪約有
二三百人已竄至風碓子與麻柳場相距二十
餘里羅思舉等當卽兼程馳往賊匪佔據該處
山梁羅思舉等分投夾擊斃賊四十餘名生擒
八十六名餘匪仍翻回原路逃散當將活賊查
訊內有亢仕洪一名據稱係首逆度向瑤之妻
舅向在賊營充當頭目帶領四五百人在湯恩

蛟股內隨同各處打仗去年七月間在沙壩被官兵打散帶領六七十人逃入太平老林又與別股湊合二三百人近日要向新寧一路纔到風碓子被官兵拏住等語羅思舉等當將所獲各犯就近解交達州聽候審訊辦理臣等查彈子壩剿剩之賊約尙有二百人被兵擊散四路奔逃探得已竄梁山新寧一帶其風碓子剿剩

之賊亦尙有百餘人仍翻回東鄉一路且聞八
台山馬家營等處零股賊匪百人爲羣者尙多
若竄出滋擾總在附近東開新達一帶腹地至
奉節巫山大寧等處現據該地方文武稟報均
有餘匪或自楚省竄來或自老林竄來時出時
沒往來滋擾均須逐一搜捕臣等公同商議統
領官兵先由梁山新寧一帶將現在剿剩餘匪

分路搜捕淨盡再偵探東開奉大等處賊情或
分路搜捕或併力殲除臨時酌量情形趕緊辦
理均奏入

上命軍機大臣傳諭德楞泰勒保曰德楞泰一路在
巫山兩河口等處所殲零匪不過百數十名及三
四十名不等而興巴巫山等處股匪竟有四五千
人在彼屯聚勒保一路張志林等分剿之賊殲擒

五百餘人而摺內稱奉節大寧等處均有賊匪或
自楚省竄來或自老林竄出時出時沒往來滋擾
是賊數又復增多辦理轉行棘手朕心深爲煩懣
德楞泰係成都將軍勒保係該省總督俱在川省
辦賊有年非初到該省者可比所有賊匪往來熟
徑及藏匿處所總在川境之內自應深悉乃毫無
知覺直同聾瞶而地方官亦並不查察稟報殊屬

全無天良賊匪狡猾異常冬間則憩息山內春間則潛出肆竄以逸待勞而官兵轉爲牽綴豈伊等於用兵主客之勢亦懵然不知耶看來老林伏匿之賊恐尙不止此數伊等在彼所辦何事大負委任德楞泰勒保均著傳旨嚴行申飭剿辦教匪已逾六載各路徵調兵勇不下十餘萬所用餉銀由內庫發給者前後已及七八千萬其由各該省解

援者尙不在此數豈得藉詞兵餉不足乎乃言防
堵則賊匪欲陝而陝欲楚而楚從未見有一處截
其去路惟事尾追言剿捕則僅殲斃落後餘匪卽
擒斬一二首逆而賊中又有號稱爲首者如陳朝
觀之二子素未聞有是人今忽湊成一股勢甚猖
獗以此而推則李彬湯思蛟等或亦在他處勾結
餘燼復熾皆未可知目下情形竟是另起爐灶豈

非前功盡棄耶經畧額勒登保昨因荷逆竄回江北由伊撤回防江兵勇所致已革去伯爵雙眼花翎降爲一等男德楞泰勒保可不引以爲戒乎所有川東之賊著貴成德楞泰迅速辦竣再往楚境剿辦與巴賊匪其川省梁山新寧一帶剿剩餘匪著貴成勒保及賽冲阿二人督率搜捕毋得再有遲延致干重戾副將鄭啓貴總管富登阿俱屬奮

勇著存記俟再有出力之處奏明加恩其打仗陣
亡之叅將馬濟千總萬士發把總石華貴戴應敖
王占鰲朱之必外委楊正坤桂天元俱著加等賜
卹

初二日癸卯陸有仁奏言連日復據探報荷文明

股匪經總兵薛大烈帶兵追剿由西鄉星子山
老林竄出節草壩一帶經畧額勒登保得信卽

親督兵勇趕赴拴馬嶺堰口一帶兜截該匪已
竄至七星壩江岸踰淺偷渡額勒登保大兵趕
到乘賊半渡截擊擒斬二百餘人其大隊之賊
分爲數股向饒峰嶺迎風壩一帶奔竄逼近寧
陝鎮安地界額勒登保卽由石泉漢陰統兵前
進扼賊東竄之路薛大烈等自兩河一帶緊躡
賊蹤以期兩面擊剿叅贊德楞額泰帶兵至西鄉

漁渡壩現經額勒登保止令入川會同勒保剿辦另股賊匪又劉永受一股尙在郭縣山內奔竄其宋應伏等一股已竄至盤郿境內楊遇春楊芳維昂等隨地探蹤剿辦惠齡長麟等亦派兵入山搜捕惟因山中霧雪瀰漫該匪等盡則潛匿老林夜則翻山逃竄以致尙未得手并有分出一股由磨房溝竄至岐郿交界之陳村一

帶經遊擊綽克圖等帶兵探剿賊數十餘名賊
復竄至郿縣橫河膽綽克圖等現仍帶兵堵剿
又有零匪一股潛出棧道向西奔竄已至秦家
壩一帶臣隨飛飭沔縣寧羌畧陽等處各地方
官督率寨勇嚴密堵拏并飛咨慶成就近派兵
實力搜捕務期悉數殲除無任竄入川境此時
山中兵勇雲集經畧又復入山且薛大烈所帶

兵勇較多亦同時馳往會剿所有糧餉更關緊
要臣嚴飭地方官并各路糧員隨地隨時源源
支應奏入

上命軍機大臣傳諭額勒登保曰陸有仁奏荷逆遇
江以後經官兵擒斬分爲數股向饒峰嶺迎風壩
一帶奔竄逼近寧陝鎮安地方逸入南山額勒登
保由石泉漢陰統兵前進扼賊東竄之路年來賊

匪潛入南山帶兵太衆不能上緊搜捕任賊匪在
山內輾轉裹脅數月後又復任其逸出延緩積習
最爲可恨此次苟逆旣經北竄入山卽專交額勒
登保一手辦竣或酌派鎮將入山追擊或親身督
兵前剿其應如何堵截剿辦之處朕亦不爲遙制
但須尅期辦竣勿令蔓延現在川東川北各股零
匪已交德楞泰勒保等分投截擊各專責成額勒

登保竟不必分心兼顧况陝省兵勇十倍於賊卽
現在苟逆闌入而額勒登保所帶大兵業已全行
赴陝聲勢更爲壯盛仍屬兵多賊少額勒登保務
當督率鎮將等自東而西截擊不可任其竄近豫
省亦不可令由棧道逸入甘境或乘間竄回川北
爲要陝省五郎地方早經添設總兵其南山各隘
口亦添派兵弁分段駐守何以苟逆偷渡江北逃

竄南山如入無人之境豈該處添設營汛等事竟
未辦理耶著額勒登保卽速查明據實具奏至前
據額勒登保奏張魏賊匪約有千餘人向廣元會
家河奔竄會否入陝其辛聰後股餘匪竄入黑河
一帶現又據陸有仁奏另有零匪一股潛出棧道
向西奔竄已至秦家壩此數股零匪俱著交慶成
等就近派兵實力搜剿額勒登保應隨時飭催務

令悉數殲除毋得稍有遲滯

同日

上命軍機大臣傳諭各路領兵大員陝甘四川湖北
各督撫曰各路軍營奏報皆稱賊匪窮蹙不成股
數指日即可蕩平乃近日節據額勒登保德楞泰
勒保等奏報荷逆竄過漢江其餘巫大奉雲梁山
新寧及興山巴東等處賊匪四出滋擾賊數較前

頓增數倍此等賊匪皆係從前剽剩各股餘孽如
陳朝觀之兩子及宋應伏等向來本未著名今忽
湊聚成股隨處竄擾若不亟爲撲滅必致又成大
股在賊匪狡猾伎倆總以嚴冬竄伏川陝交界深
山老林爲延喘伺隙之計帶兵大員隨賊追逐於
各處潛藏之賊或未能深悉至地方州縣於本境
管轄深山老林不過一二百里耳目易周如果有

賊匪伏匿境內該處地方鄉保不難嚴密稽查隨時稟報該州縣等斷無不知之理乃各州縣以剿辦事宜爲帶兵將領專責而於賊匪潛藏本境置之不問試思州縣官所辦之事有過於此之重大者乎此時各處賊匪旣已出山紛竄雖係餘孽皆當隨時隨地上緊截剿掃除淨盡六年以來剿賊之法總係跟蹤追剿賊匪等多分股數牽綴官兵

兵至則四散潛藏兵退則分投滋擾是該匪等轉
得輪番休息以逸待勞而我兵昕夕追馳日形疲
乏主客之勢不明以致中賊詭計日久遷延迄無
成效自宜亟籌變計各專責成勉圖奏績此時陝
境苟逆及各處零星匪專交額勒登保督同楊遇春
等辦理陝省西竄零星匪專交慶成慶溥等辦理川
東一帶之賊專交德楞泰辦理川北之賊專交勒

保賽沖阿等辦理楚省興山等處各匪專交吳能
光全保長齡等辦理務將各人專辦之賊卽在本
境內就地殲除不得以驅逼出境了事如有他省
竄至之賊亦卽當隨時截殺俾賊匪所到之地皆
有兵截剿無從逃逸可期以次肅清並各於要隘
處所添撥兵勇嚴密防範務使聲勢聯絡互相接
應於剿捕方爲有益至陝省南山一帶從前曾經

奏明肅清此時卽有苟逆等竄入伊等素無巢穴
諒必不能久存其川省巫大奉雲等處零匪爲數
較多且係向伏深山近日始行出掠其中自必有
屯聚處所素爲賊匪依踞並著地方官留心查察
以絕根株倘仍因循玩忽不及早報明卽行嚴叅
治罪再統計各處竄匪不過萬餘而額勒登保等
所帶征兵數倍於賊諒敷剿辦但恐官兵日久疲

勞應須酌換或分則見單不敷撥遣不妨量爲添
調如廣東貴州等省得力之兵皆可調撥額勘並
保等當酌量情形一面調撥一面奏聞不得以前
此奏請撤兵意存廻護倘實在無須增添亦著迅
速具奏

臣等謹案川陝楚三省山深箐密之區奸匪
流民隨處皆有自邪教倡亂以來始得嘯聚

成羣乘機煽結屢經彌難由是尚存或逃官
兵剿截緊急潰散奔逃踰時而復成烏合桀
黠者輒自號渠魁或屆冬令迺寒潛蹤巖穴
逮春和而竊發藉剽掠以苟延數載稽遲率
由於此我

皇上洞燭先幾叠經

諭諭帶兵大員以剿辦一股必須殲除盡淨實爲

握要機宜而地錯勢紛餘孽迄未絕迹方成功之待

歲忽賊數之增多茲蒙

聖明指示分定責成並令地方官隨時嚴密稽查

制勝運籌綱條預立是以不旋踵而賊氛蕩掃也

上又命軍機大臣傳諭吳熊光曰前據德楞額奏稱

行另股賊匪三四百人竄至大昌楊溪河一帶與

各股合夥仍向湖北當陽東竄昨又據德楞額奏勒

保奏報興巴巫山等處有賊股四五千人在彼屯聚辦理轉形棘手吳熊光係本省總督豈竟毫無見聞現在川陝楚三路已降旨令帶兵大員分段剿辦所有湖北各股賊匪專交吳熊光全保長齡等併力殲除務將潛匿股匪淨絕根株勿留餘孽至楚省糧餉不待奏請又撥安徽捐監銀十萬兩解往接濟該省餉項倍形充裕務當源源供運毋

使缺乏爲要

上又命軍機大臣傳諭安徽巡撫福慶曰安省捐監
項下現存銀九萬餘兩此時湖北辦理剿捕事宜
需用尙繁此項銀兩不必解京福慶卽於別項內
先行湊足十萬兩迅速遴委妥員解赴湖北交吳
熊光收貯備用

初三日

甲辰

吳熊光全保長齡奏言伏查川楚邊

界犬牙相錯道路分歧前此王會等匪由巴東
邊界剿敗入川經總兵孫清元吉林泰統率兵
勇緊躡追襲探聞已入大寧境內因思房竹南
面之陰條嶺張公橋向家壩等處悉與大寧毗連
爲賊匪往來熟徑相距巴東六七百里該匪等
一入大寧卽可繞由北面仍入楚省房竹境內
且叅贊德楞泰所剿苟逆一股亦恐由大寧至

向家壩等處狂奔入楚

臣

全保督率總兵德

昌王懋賞由官渡向二竹西南邊界迎截

臣

長

齡統領官兵由灣腰樹向九道梁陰條嶺等處

攔擊並將各處老林藏匿零匪順道分兵搜捕

連日擒獲賊匪自數名至一二十名不等隨即

正法日來西南邊界已漸就廓清茲於二十一

日接據孫清元吉林泰等報稱王曾等逆自入

川後分爲數股翻山越嶺晝夜狂奔該鎮等兼
程進發趕至巫山梁家巖探得前路有賊攻撲
寨硿該鎮等帶領兵勇前往援救斃賊七名生
擒賊目張開甲一名餘匪翻山逃遁訊據張開
甲供稱此股賊匪係王四猫冉姓餘匪王曾賊
股已向大寧尖山坪竄去等語當將該犯正法
隨由大昌槐花坪探路追擊行至烏龍觀探有

賊匪屯聚該鎮等當卽率兵進剿賊匪折竄巴
巫河該處河水溜急賊亡命淌渡溺死甚多我
兵奮勇爭先俱各涉水搶渡亦間有淹斃隨經
總管托爾托保等帶領馬隊躡凌過河斃賊四
十餘名生擒矛手六名領催舒明阿生擒僞先
鋒羅世友據供線字號原係辛聰爲元帥前年
在萬縣地方被官兵剿散不知生死現係張元

師管事我在營充當先鋒等語當將該犯懲罰
其矛手羅士明等六名一併正法餘匪繞由北
面老林折向巴東奔竄該鎮等現在回師追擊
又據防守巴東之遊擊俞國智稟稱王曾等逆
由木瓜溪折回巴東龍船河地方經該遊擊督
率兵勇奮力迎擊殺賊二十餘名賊匪愈集愈
多干總唐宗莒手刃數賊力竭陣亡該遊擊亦

受矛傷二處經把總袁大綱率領軍功首領徐
功茂等衝入賊隊將該遊擊救出袁大綱身受
矛傷數處其首領徐功茂等七名皆力戰陣亡
隨經都司周言昇同知尹英圖帶領兵勇趕赴截
擊擒殺賊匪五十餘名賊衆卽由黃荆壩竄往
羅甸溪臣吳熊光因孫清元等雖經趕回已落
賊後恐致乘隙東竄當卽飛信知會臣長齡由

房縣興山一帶趕赴歸巴迎頭截剿札商

片全

保暫駐房竹西南邊界以防川匪乘間闖入茲
於二十五日復據孫清元吉林泰稟稱前因王
曾等逆折竄巴東當卽倍道馳回探聞該匪等
已由觀音閣竄往歸州走馬嶺等處該鎮等連
夜兼程抄赴賊前以遏東竄之路恐賊匪聞知
遠遁並密飭首領甘魁所帶鄉勇假扮教匪前

往誘敵將官營旗號藏匿各執前獲賊旗於十
七日四更時分直向賊營進發孫清元督同遊
擊烏勒喜訥都司姜元祥等帶領兵勇由右手
古城前進總管托爾托保副將烏爾卿額等帶
領馬隊官兵同軍功首領鄭光明等帶領練勇
由左手長嶺一帶抄截吉林泰率同副將樊雄
楚叅將毛秉剛等帶領弁兵由中路瓊垵包進

剿副將李天林朱士奉等率領弁兵在走馬嶺
南首小路埋伏以便截拏十八日天明時分甘
魁等進入賊營有僞先鋒張添壽大旗首楊士
魁帶領牙手二十餘人迎前會話甘魁等假充
別號餘匪欲與合營張添壽信以爲實甘魁等
出其不意一聲吶喊將張添壽楊士魁擒獲并
將牙手二十餘人一併殺死衆賊知係官兵遽

形慌亂各路官兵一齊競進鎗擊箭射登時斃
賊一百餘名各賊匪見四路俱有官兵圍擊卽
搶上礪垓山梁恃險擲石抵死抗拒官兵人人
忿恨竭力仰攻并用礮轟擊賊匪漸退我兵趁
勢搶上山梁殺賊一百餘名賊匪情急四散亡
命狂奔滾崖跌死者甚多兵勇四路追殺沿途
又斃賊一百數十名此次共殺賊三百七十餘

名先後生擒黃尙志等五十七名搶獲旗矛騾馬甚多逃出男婦大小難民六十四名口訛據張添壽供稱係襄陽縣人嘉慶二年幫同樊人傑起事在營充當先鋒數年總在川陝湖北往來奔竄樊人傑派伊弟樊二掌櫃管事詐稱伊已身死其實尙在營內上年十二月內樊人傑在四川大寧地方聞德叅贊已到川東因與王

曾崔胡及王四猫陳姓合營想到湖北地方躲
避後聞湖北官兵已往大昌一帶追剿線字號
樊人傑與王姓會姓商定從北面老林繞進巴
東邊界不料被鄉勇假充同教把我拏住據楊
士魁供係四川墊江縣人在賊營充當旗首餘
無要供當將張添壽楊士魁臠割矛手黃向志
等五十七名俱各正法其逃出難民王幅林等

六十四名口分別省釋

臣

等伏查此次王會等

逆會台折竄賊數增多雖經孫清元痛加剿殺

大挫賊鋒惟股數不一忽分忽合情形極爲詭

譎且聞巴東界外尙有賊股遊奕自因德楞泰

現在川東賊匪畏其聲勢希圖竄入楚省邊界

苟延殘喘誠恐孫清元等一路官兵難以兼顧

臣

長齡現由興山一路馳赴歸巴與孫清元吉

林泰分路會剿以期一鼓撲滅倘賊又繞向西

南奔竄臣全保卽督率鎮將帶兵迎擊倘德楞

泰大兵追剿苟逆完竣前來更可合川楚兵力

以期夾擊集事奏入

上命軍機大臣傳諭吳熊光全保長齡曰吳熊光等

奏王曾等股賊匪由川境折回經孫清元吉林泰

沿途追擊小有斬獲及該逆折竄巴東孫清元等

倍道馳回趕赴賊前督率將兵英勇等奮力攻剿
洪計殲擒賊匪四百餘名將偽先鋒張添壽旗手
楊士魁擒獲大挫賊鋒此次所辦俱好孫清元等
出川省趕回緊躡賊蹤扼其東竄之路所見甚是
此時楚省境內祇有王會等股竄匪已被官兵截
住長齡由興山一帶馳赴歸巴與孫清元等分路
會剿全保亦督率鎮將帶兵迎擊務當趁此兵威

勝勢奮力剿殺將王曾等逆一鼓殲除斷不可再
令竄逸至川東賊股甚多竟有四五千入雖有德
楞添在彼截剿難保其不竄入楚界不可不預爲
防範昨經降旨令帶兵大員各專責成所有楚省
各匪專交吳熊光全保長齡辦理但川陝楚毗連
山內路徑紛歧賊匪處處可以逸出若一經竄楚
卽係楚境之賊吳熊光等惟當遇賊卽剿不論何

股竄匪併力殲除不得以驅出楚境卽爲了事再
樊人傑一犯旣據獲犯供出捏稱已死與王會崔
胡等合營商定從北面老林繞進巴東邊界是契
人傑現在楚境嗣後遇有擒獲賊匪務須嚴切根
究該匪下落一經拏獲卽迅速奏聞至領催舒明
阿生擒僞先鋒羅世友奮勉可嘉著加恩以驍騎
校陞補遊擊俞國智防守巴東此次賊匪折竄係

該遊擊所管汛地本有應得之咎第念該遊擊督率兵勇奮力迎剿身受矛傷其功過尙足相抵著加恩免其治罪把總袁大綱當俞國智被圍之時衝入賊隊將該遊擊救出實爲出力著加恩以千總補用首領甘魁經孫清元等飭令帶同鄉勇假扮教匪前往誘敵該首領進入賊營出其不意將僞先鋒張添壽等父子二十餘名一併殺死賊

營慌亂官兵得以乘勢掩擊痛加殲戮奮勇可嘉
甘魁如本無頂戴著加恩賞給八品頂戴如本有
頂戴卽著加一等賞給以示鼓勵其十總唐宗莒
手刃數賊力竭陣亡著咨部加等賜卹又軍功首
領徐功茂等七名亦著咨部賜卹